

抱
壘
集

抱甕集序

向讀少陵東屯瀼西諸詩愛其賦景親真造語嚴切非
得田園之味者不能作如狀稻畦之水則云芊芊烟翠
羽剌之生銀漢寫瀼岸之暮則云春氣晚更生江流靜
猶動橫江雨之靜則曰高鳥濕不下居人門未開繪山
雲之薄則云晴飛半嶺霍風亂平洲樹皆其悟由聽觀
不闕懸擬讀者不必遽盡其詩但閱其詩首諸題之下
數序已足以息塵心而希至道是非少陵田園詩之獨
真蓋詩固未有不真於田園者也查君心穀奉白華潔
白之養結園沾水之西臨流植援閉門疊石賦夕烟于

序

琴幌吟曉日于書牀歲久成編名曰抱甕集氣和而色
淡志逸而神怡得意魚鳥之間忘情埃壒之外雖其中
友用文讌道路往還或多觸緒之吟不盡閒居之作願
其澄懷專注雅思獨存則於田園獨多非有得于少陵
之真者能若是乎夫吟咏之間以達情性情性之真不
寄于委佩影纓而寄于野絃山酌袁小修云文人之文
高文典冊莊重矜嚴不若瑣言長語無意為文而神情
興會多所標舉斯論也可以例文亦可以例詩幽閒之
士翁性輕清結情冷淡隨筆點染非山林語固無以自
見其宵臆也或曰抱甕非寔事漢陰之後誰復守其拙

者曰事不必其相同而有可以相類水西之園逼臨河
湓決渠灌溉宜若易々焉者不知河勢建瓴峻堰危堤
不容一蟻缺必鑿井得泉海潮暗上始得俯仰桔槔以
相挹注取水少而用勞多其于漢陰之拙相去無幾噫
是固忌機者之所樂為而不厭者也乾隆二年春正月
葯林弟符曾

序

二

蔗塘未定稿

宛平 查為仁 心穀

抱甕集

起雍正癸
知盡乙知

放廢以後萬事頽落微特人亦一切玩好殺利百
不闕慮雖筆床硯匣亦久屏絕暇日偶搜篋行十
三年中僅存詩四百餘首刪蕪汰穢又去十之七
八六云陋矣敝帚自享不忍棄置姑錄存之憶頻
年息影水西鋤蒼蒔竹日與圃父畦丁共分灌溉
之勞凡有所作蓋得之抱甕時居多因取以弁諸

首云

蔗塘未定稿

自遣

此心冷似隔宵灰那遣懂之日往來未免有情蒼索咲
不知許事酒盈杯一番春夢費騰過兩髻霜華無賴催
已覺諸緣都是幻宵教明鏡惹塵埃

題畫

篆愁君自昔年呼雨過涎痕無處無咲爾升高不知止
以身甘向壁間枯

蝸牛

春草茸々露漸晞一雙蛺蝶弄春暉石闌不少飢蛛網

莫戀蒼葢接翅飛

蛺蝶

哭佟蔗邨

當代論通隱如君復幾人
浮榮輕敝屣肥遯託垂綸
詩格陰何敵交情張范親
一朝歌薤露執紼涕沾巾
空谷山房好幽棲二十年
誰教賦鵬鳥長此闕重泉
村傍浣花任樓從艷雪傳
他年扶屐至淒絕月娟娟

寄答王雨楓見懷原韻

記送驪駒花滿津柳橋歸去
又經春離情每逐隨陽雁
芳訊俄傳上水鱗
甘載冰霜偕計吏幾時
邱壑結比隣
尋思荅影庵中事
燈火蒲團一愴神

聞沈麟洲信喜而有作

與爾相違萬餘里
傳來消息總迷茫
誰言錦好難為製

蔗塘未定稿

二

須識鋒堅不頓芒
薄宦遠憐紫貝驛
舊遊苦憶綠蕪牆
明年奏竅歸京雒
相見還應酌百觴

秋日招胡象三杜禹門小集

潑眼秋光事、佳况逢靜侶
足抒懷淺深錦色菊堆檻
錯落雨聲葉脫堦
塔酒具樽前須摒擋
人生分外莫推排
此中幽味知應少
一段閒情屬我儕

懷榆堡

大好家居榆堡莊
年來生計託農桑
一池屋後藕菰白
幾稜門前菰米香
斜日提壺評酒價
秋風戴笠上漁航
如何百里成脩阻
也似蓴鱸歸夢長

蠟梅

南枝消息早於春斜插銅瓶貯水新我識萬綠皆嚼蠟
一枝窻下任橫陳

檀心磬口各含芳滿樹金鈴簇夕陽料爾根株出江夏
教人小字喚黃香

不寐

乍踈乍密打窻雪忽降忽升搖燭風雪三更爐火冷
并無天籟耳根通

初夏次杜悔堂先生韵

次第春風綠到門一壺真足納乾坤銀荷香裊重簾靜

蔗塘未定稿

三

繭紙窻明一榻温莫問陶歸同邴罷試聽笛咽與箏繁
酒闌記得當年事紅袖烏絲暗斲魂

高雲老人輓詞

幾次傳聞誤令番撒手真雲原無定跡人苦憶清塵已
反光明相全歸清淨身孤鴻飛萬里回首黯傷神

一滴寒泉水源從夢隱傳曾邀清禁名不受世纓牽
廣願超香界高名振法筵諸方爭禮足十行喜俱圓

宿業憐予縛西曹特地來六根離障礙八垢掃塵埃花
影重々現鵲般故々催一編白雜記數年來老人酬倡詩
文及書札並載于花

影庵雜記不忍篋中開

迢遞羊城返浮杯記我過道真明鏡朗詩愛白蓮哦幢
上慙精進龕前悟剎那空餘半偈在誰復示三摩

送湘南上人之天童

杖錫飄然去一繩隨雁羣道林原不世齊己况能文帆
濕甬江雨衣蒸越嶠雲幾時窳覺路栢子地爐焚

附 甲辰夏六月將返浙東賦別蓮坡居士

釋成衡 湘南

三里一城隔不難晨夕過々君出錦段過我對晏陀
啼鳥立粉堞浴鷺起盤渦君來拍手咲默詠銅斗歌
君才實絕謝伯仲劉与何終年極採撫字識牛毛多

蕉磬未定稿

四

嗟余荒且陋好古慙清訛惟茲無義語庶幾唯弗阿
海南有釣艇去々逐烟波君宵挂帆過一水同拋梭

新搆小軒落成即事作

避人何必入山深因樹開軒足散襟覆砌垂楊金縷細
捎窓稚竹粉痕侵放懷聊復凭烏几率意無妨彈素琴
一雨更饒詩思健飛來翠羽答清吟

插槿為籬曲々遮半茆半瓦野人家謝將熟客祛塵慮
抽得閒身管物華小拓茶寮斜倚石更開棊閣略栽花
飯餘每欲拋詩帙一枕蘧々蝶夢賒

雨中

竟日滿々雨虛廊聽轉佳暝烟來遠樹涼氣慳孤懷藤
蓼漸升屋蓼花低亞階但教幽趣得自可忘形骸

銀魚歌

物類水族魚最饒網罟之利勝山樵海津自昔蹄澤國
食饌鱗鬣供朝々蘆葦二月雨新足銀魚出浪同秋苗
連筐歷擔滿夜市白於聚雪光難銷一飽青錢不費幾
風味詎止園蔬驕作羹滑匙差覺美搗以蜀薑芼以楸
伊魴洛鯉不足數羊酪養性休詩謠年來何肉亦守戒
唯嗜此物充簞瓢平生有願不得遂老去但乞離埃囂
安得為漁沽水上瓦盆濁酒兼炊雕

坐雨

蕉塘未定稿

五

颯々風吹牖濛々雨灑楹庭閒因客少風峭覺寒生暴
漲連平野陰雲接短城東臬農事近願放十分晴

簡胡象三

鵝鳩殼裏連宵雨強欲探春事々盪時序驚心寒食近
風光轉眼少年非繞堤楊柳叅差綠出窰梅卷取次稀
安得十千沽美酒与君醉看白鷗飛

招貢木從孫飲

湯愁錦鯉寄書遲好把閒情付玉卮九十日春如掣電
此身何苦感雙眉

春日偕宗與亭先生徐芝僊陳樹滋家貢木遊
依綠園分賦

宿霧開平原天宇清且朗晨興愜清遊林塘漾輕舫惠
風盍々吹碧草芊々長聯袂得佳賓幽懷劇蕭爽
長河抱彎環園水含深碧嘉樹藹晴烟高臺俯芳陌中
有桃李花自矜好顏色春風能幾時重來恐狼藉
望遠舒煩憂登樓恣遐眺共拍東海東雲日相焜耀麻
姑近可期羨門迹未杳何當控窄去臨風一長嘯
勝地足沿綠欲別又回步即境澹無營得閒轉成趣殘
霞漾水明新月銜林吐還期泛金觥綠陰句同賦

蔗塘未定稿

六

錢橡村編脩請假南歸貽詩錄別次韻送之
一舸潞河下亭皋木落初故人欣小住新句艷秋蕖心
逐離羣雁襟分同隊魚明年春水上莫忘數行書

附 乞假旋里舟過津門贈別心穀并索和章

錢陳羣 橡村

片帆南下日正爾畫眉初入澹當秋月詩清出水蕖
由來傳八采別後託雙魚好寄春明侶今成博議書
芝仙貽畫一軸皆 國朝名賢合作也凡圖中
山樹泉石卷草亭榭禽鳥人物之類人各數筆
署以小款自石谷王氏而下共得三十人張之

素壁儼出一手此亦畫苑中別開生面也旁有
分咏園中景物七絕六十首

乍認蔡家百衲本旋疑婁氏五侯鯖畫家從此添公案
無縫天衣在素屏

對雪

薄暮忽飛雪虛堂獨自看灑枝微有色積徑漸生寒
覓食飢鳥下迎風落葉殘一杯酬物色僵卧咲袁安

蹋燈詞

搗絲擗竹滿耳驕冉々月華上碧霄鈿車歷落走流水
門外遊人如蟻子酒酣六復巷陌遊火樹參差樓上頭

蔗塘未定稿

七

兒郎連臂蹋歌唱暖氣浮空香霧漲開蛾烘處着眼多
老去情懷喚奈何吟場排日偏稱傑酒戶春來六豪絕
河冰漸解信安灣好訂拏音新柳閒

北郭村舍桃花一樹盛開歸途馬上同象三作

誰過羯鼓催花發烘出晴霞滿樹來含咲倚風枝旖旎
微酣映日影喪回去年崔護欣重見前度劉郎記舊栽
寄語碧翁勤護惜莫教容易委蒼苔

禹門園中草木半為水荒賦以慰之

杜陵耽小隱卜築傍西郭門臨尹兒灣地可百弓拓叢
木濃繞垣雜荃紛映幕有書暇自披有酒欣自酌逍遙

過軸閒頗足安畊鑿昨朝雨滂沱淫潦犯籬落老樹半
遭髡舍英盡掃葺厨下竈欲沉堂前舟可泊屋漏濕牀
牀掩關同屈蠶相訪刺舟來對我顏色惡一語申君眉
勿哂狂言錯梓澤已邱墟平泉久寂莫矧茲數椽居詎
足損真樂君行騰萬里一室非所託瓦注盡村醪斜陽
叫檐鵲

佛手柑和查浦伯韻

誰從粵國盈筐寄勾出天龍一指禪摩頂雖無心印法
拈菴却有妙香傳剖煎碧乳芳逾烈函伴黃梅色並妍
本是兜羅綿現相越橙吳橘敢差肩

蔗塘未定稿

八

曉發淀河

望中新漲潤縱棹渺無涯一水奩淨千帆筍柱排雲
陰低靛樹荷氣暗侵懷坐愛儵魚樂凭舷意轉佳

小保定

孤城如斗大凋劫少人家水市魚羹美晴帆柳帶斜遺
風猶擊筑落日忽鳴笳不盡蒼茫思遙天一抹霞

懷履方弟

高軒下餘照碧樹滋宿雨獨對檻外蒼脉、誰與語有
弟遠行役隔歲羈南土別久相思深引領望烟渚

送李仁山出塞

驅車出郭門送子遠行早嚴飈吼樹梢黃沙噎廣道恠
鳥啼空村春意勒枯草子身萬里行予愁萬里抱握手
無一言欲言意顛倒願子勉加餐憂傷令人老

慰熱吟

誰將大冶鎔長空焰飛南朔綿西東驕陽杲杲早太甚
金流石鑠無纖風無纖風良不苦蔽越陰濃周四堵北
窓一枕傲羲皇歌脚高眠過停午夢破藤床獨揮塵一
甌新茗煎雲乳煎雲乳良不苦君不見九衢車馬紛喧
闐黃塵眯目擁不前蠅營狗苟互爭逐道傍暍死無人
憐吾廬雖小亦不窄幸無白汗如漿厄散髮科頭手一

蔗塘未定稿

九

策為謝門前襜褕客

五雜組

五雜組錦繡裳往復還酬酢觴不得已守故鄉
五雜組羅浮蝶往復還大江楫不得已褰裳涉
五雜組六幅屨往復還一片雲不得已妾隨君
五雜組西蜀錦往復還邯鄲枕不得已且痛飲

積雨

積雨連朝似建瓴重雲漠漠暗當城客來共試中山酒
秋到曾無一日晴陽石虛傳鞭有術漏天相對補難成
隣翁走報禾生耳輾轉愁同蕉葉生

直沽種稻詞八首

連畦接畛水田開盡是
楓宸擘畫來不惜水衡錢億
萬總期鼓腹到春臺

極目平疇方罨成繞田滴
水泉鳴杏老蓂破林鳩喚
齊趁東風叱犢畊

婦饁男畊望歲豐如墉行見奏
三冬茅簷尚屋深宮
慮又詔江南送老農

雨餘沙磧淨無泥一色秧針綠
滿畦閒跨烏犍來柳下
深村忽聽午雞啼

長夏霏々雨似烟不愁旱魃裂
畬田農家況傍河干住
蔗塘未定稿

十
吠蛤穀中自在眠

穰種如雲望不窮泥沽西去葛
沽東築場處處多遺穗
長笛圓顰賽社公

西成比戶慶倉箱紫玉炊來滿
甑香共話昇平好時節
五風十雨樂穰々

纔看九穗又雙歧斥鹵從今不
阻飢聽取年々歌帝
力直沽風景似幽詩

傷僕

富貴踈者合貧賤親者離交情
尚如此何況臧獲為伊
予觸量網摧殘顏色低豈無將
伯呼掉頭誰為鬪嘉爾

勤餉侍九載志不移欲效負山力竟蹈履席危一朝忽
奄化令我悽肝脾蔚宗傳李善涑水紀王逵斯人爾不
愧千載同酸悲

天津城西五里有地一區廣可百畝三面環抱
大河南距孔道半里許其間榆槐檉柳望之蔚
鬱暇侍 家大人過以樂其水樹之勝因購為
小園壘石為山疏土為池斧白木以為屋週遭
繚以短垣因地布置不加丹堊有堂有亭有樓
有臺有橋有舟其間婉荅媚竹延榮接姿歷春
綿冬頗宜觴咏營築既成以在衛河之西也名

蔗塘未定稿

十一

曰水西莊并系以詩

夙昔慕高隱幽棲未有期風雨守故廬常苦塵鞅轍何
意負郭地蕭曠寄一枝藤陰高覆屋荷氣曲通池烟中
孤禽嘯樹外春帆移散帙或滿几濁醪六盈卮永謝車
馬喧聊遂岩壑私于焉樂吾素此外夫何知

繡野窺前浚新竹雜抽雨霽過之見其青翠可
掬為留半日

莎徑轉巒環架此數椽屋繞屋何所有脩々百竿竹春
風破苔痕勁節迸蒼玉扶踈亞葯欄蔥翠被山麓竭來
微雨餘葉々映眉綠燕郊地苦寒百卉易傾衄嘉此不

凋姿森々常在目望對懅忘歸願就林中宿

桐葉

一株葦葦復萋々綠葉如雲覆屋齊只恐西風吹易落
莫矜穀價剪成珪

趙後山枉過水西莊淹留竟日別後賦寄

檐角芻尼喚羊求一徑過閭年驚老大撫事感蹉跎卓
午樹陰直當風池水波卑棲君莫咲吾已謝鳴珂

席上詠蘋婆果

也如紅豆號相思采蘭雜志佛書蘋婆即華言相思也玉頰微酣似點脂一
種幽香誰領略酒醒吹過枕函時

蔗塘未定稿

五

書懷

嚴風吹廣莫羣樹凋清霜廓處感物變中庭獨徬徨男
兒抱遠志蓬矢射四方奈何日刺促如芥處坳堂我欲
控青虬八極紛廻翔振轡崆峒頂息駕華胥鄉道逢飛
黃子並坐白玉牀飢則茹桂食渴則餐天漿咄哉不可
期仰睇雲茫茫

水西莊採菱曲

秋風颯々秋雨涼溪上水添三尺強菱花著子菱葉老
一片青銅半蝕光急呼小艇沿流泊釧影釵痕盡狼藉
採來一霎滿筠籠携向尊前堪供客堆棹纍々赤玲瓏

大嚼何愁百不空
脆憐出水秋菰嫩
香愛開泥春藕同
昔年曾記松陵渡
兩槳歌聲日斜暮
翠絲擁棹澀不行
夢想朝々幾延竚
自從遺種寄芳函
溪上年々碧影涵
漫說直沽風物異
有人曾喚小江南

遣愁

作意驅愁去愁偏日々來
早知愁有約悔却遣愁回

大悲院題壁

秋氣先林薄郊行得自娛
官河斜抱寺野舍近通衢
粥鼓迎人出畦蔬當砌敷
到來塵慮滌苗客有僧誰

睠以東林社來尋惠遠師
坐深涼意滿吟苦樹陰移
白

蔗塘未定稿

三

鳥衝殘照青蘆響暮颺
一層樓上望浩蕩白申眉

過村舍從野人飲

望裏秋原爽門臨碌碡場
深林殘照入曲徑晚巷香
村酒沽清醪園蔬摘矮黃
留連如意舞歸路月迷茫

數帆臺晚望

人語平臺晚船行
逆水遲垂楊交路暗斜日隔邨移
望遠目何極凭高顧
獨支袁宏阿誰是蓬底獨吟詩

送履方之太平別駕任

憐予成級落喜爾獨嶂嶸
勿謂閒曹冷須酬一命榮
當官勤撫字為政重蘆平
好慰高堂望因風數寄報

離堂卮酒罷車子走班、別緒江鴻外行程驛樹間張
帆上采石高詠繼青山謝朓風流在千秋尚可攀

代贈

倒控駝鈎半拓窓誰家小閣儼如雙愔、柳暗人難見
聽按梁州第一腔

初秋過攬翠軒同象三賦

商飈吹送暑全收爽氣當軒豁兩眸厓架藤陰圍似幄
跨梁澗水碧於油長教竹下開三徑也勝車前鳴八駟
無是無非吾計得任他誇拜碧琳侯

附
同作

胡
捷象三

蔗塘未定稿

二十四

秋光畫出蔚藍天一水淪漣似輞川昨夜池塘吹雨
過蓼花紅到小橋邊

松風過耳沸茶鐺午枕初回宦夢清忽到山僧叅半
偈翠微深處話無生

涼趁濃陰暑氣踈傾壺愛就水亭虛斜陽半醉思鱸
繪恰有小船來賣魚

偶成

經心避俗終難避刻意藏真未許藏且向閒中尋一事
小章新泐看雲忙

閉戶

閉戶何為者朝々書窟眠未能行萬里聊以送餘年
嵬上輟畊錄牀頭却掃編自今商述作握槩效前賢
不畏餘寒峭中庭步屣宜草痕青又見杏牖破還蓬
造化本無意榮枯各有時靜觀推物理吾道不磷緇

積嬾

積嬾久成癖無營自晏如
夢回春樹外花落午晴初
差免隨蓬轉何勞感瑟居
敲門無俗客坐愛草堂虛

附和韻

胡捷

達士耽閒寂冲襟只澹如
蜂慵巷墮後雀避茗煎初
勝地欣同調何時得僦居
祇應携秀句吟伴竹窓虛

蔗塘未定稿

五

海光寺訪岱瞻上人

嗟峨佛閣城南湧策馬重過問懶殘
入寺鳥聲當檻窸登樓野色接天寬
湯空巷落晴疑雨匝地松陰夏亦寒
聽演三車煩毒解不勞更熟白梅檀

西沽即目

一雨秋光淨郊原物色饒
離々瓜卧壟纂々棗垂條
幽意偶然得微颺何處招籠鞭舒倦眼
馬首失炎燒

小憇枕溪廊

曲々迴廊款々行竹爐茶白伴孤清
心從境外尋禪悅人在閒中淡世情
百疇鶯殺春欲盡一亭卷影日初晴

臨流無語冥々坐靜聽跳魚潑刺鳴

題馬雲亭表兄十琴書屋圖

與君托中表氣誼逾同懷義馭不傳轡別久形跡乖君
材寔英特談咲律呂諧一麾守專城品列三事階公餘
染翰藻腕底回春黃蛾眉慣謠咏白晝曠風霾一官棄
敝屣回車卧荆柴十琴足自怡取以名高齋遙山光鬻
鬻時鳥鳴喈々懸琴靜不張趣与陶令偕

有母身康強顏色頗腴澤有弟館通符鳴絃理繁劇潘
輿就祿養光彩生翬翟陟叱望白雲晨裝不遑夕濯纓
溯汶泗倚馬看鳧嶧直沽舊游地君距無幾驛鼓予聆

蔗塘未定稿

十六

足音庶幾慰睽隔豈無一樽酒藉用話曩昔豈無數卷
書假以供紉緯題詩報郵筒速理轅端軌

種蕉

西堂涼意多向夕瀟々雨為愛入秋聽移種芭蕉樹

除夕

浪擲矍九黥自憐且從塵界強周旋虛名已省多生業
公案難拋未了緣好約梅老融性字不將濁酒溺心田
一年又盡君知否獨坐蒲團耿不眠

履方自真州郵至春筍味極脆美食餘賦以寄
之并督繼至

杭州鮮筍賤於土買不論錢挑販豎我昔壼屋住西湖
頓、盤飧供咬咀別來以味三十年玉版徒參空裏禪
鹽晞蜜漬有時致下箸終流逢麴涎侵晨食指無端動
忽報知君書遞送載得盈筐繭粟來泥封箸裹開喧哄
亟付饜人具午炊照盤雪色白差、饒、投、急、噉、一、快、意
遠勝屠門大嚼時江南此族富庖宰尤物真堪醢鮭菜
咲我胸能儲渭川更煩劉取連船載

題汪度汪乘槎圖

滄海茫茫寄以身樓船一粟渺無垠秋風莫悵銀潢遠
本是支機石上人

蔗塘未定稿

房山道中

七

石經洞口白雲封百里松陰翠黛濃馬上青山看不厭
天風吹落一敲鐘

望戒臺

上方清磬落說戒有崇臺山脊飛樓殿林端紺殿開九
松鳴夕籟三洞闕枯苔歷險吾無懼終須絕頂來

丁家窪

青、不、斷、柳、遮、門、外、流、泉、百、道、奔、行、過、石、橋、疑、路、盡
酒、帘、斜、出、又、逢、邨

花朝偕張周舫遊水西莊

豆子甌邊凍已消風光難得是
蒼朝酒人發興偶然聚
詩老能來不待招晚餽香芹烹鴨脚
小池新水長魚苗
賣錫敲裏春無賴不獨銷魂為柳條

春分後二日余屋若丁苞七施濟清汲亭兄弟
枉過水西莊次貢木從孫韻

芊綿芳草碧如烟水檻風亭路接連
眼底春光過太半
停杯忽感華年

寄懷仁山

宜亭東畔宋園西
仁山句七載離思夢欲迷
擁鼻朝來吟爾句
空林愁聽夜烏啼

蔗塘未定稿

六

澹宜書屋後軒黏壁多故人
詩句撫今懷昔感而有作

背手看來行草蕪墨痕多是故人黏跡如鴻爪
飛無定
愁比蠶絲抽又添鶯老花殘春寐香消酒冷夜厭
回思昔日題襟處觸忤蝸涎上斷繭

附
同作

查奕楠
貢木

數椽老屋幾年留
新拓軒窓物色幽
卅載珠璣多在
目
兩人霜雪又盈頭
雲山有恨素心少
日月無情逝
水流一領青衫重
檢點淚霑酒漬共成愁

夢至舊遊地得貪將葉卷地趁取風雨

雨天二句醒後續成

海國相思紅豆筵歌喉一串似珠圓貪將葉々卷々地
趁取風々雨々天高館人歸餘積蘚空堦日落起寒烟
年來頗識閒中味祇擬長齋繡佛前

暮春寄懷陳執夫觀察潘元亮編脩

年華轉燭去堂々舊事經心歌慨慷水際蒼枝香寐歷
檐前柳色綠分張陳遵別後誰驚坐潘緯吟成合寄將
未得開樽期二妙粟留穀裡獨巡廊

獨流舟中

擘岫風多損晝眠客衣猶未脫吳綿朝來似暖還寒處

蔗塘未定稿

元

正是田家打麥天

青縣

擊々戍鼓促揚舲蓬底吟成獨自聽一色好風剛百里
日斜吹到峭帆亭

滄州懷古

五壘城邊雨脚斜樹頭鳩婦喚停車河通漳滏來千里
地控青齊抱萬家臺上雲生疑海市道傍草長想蘆芽
底湏俯仰傷千古聞說麻姑酒可賒

秋夜病中述懷

巷尾迢々報柝聲虛堂如水斷人行雲移一朵月吞吐

竹嘯幾枝風送迎不向枚生求七發試從麴壘覓三清
調糜煮藥經旬卧白髮蕭疎又幾莖

蔗塘未定稿

辛

鷓鴣

集

卷

竹邨花鵑集序

古今以詩名者不一人其旨趣不一類大約境有頗夷則言有哀樂惟夫深於道者處達而泯侈怵之辭際窮而絕怨悱之音故其為言卓乎可傳也予友查君蓮坡少具不羈之才掉鞅省門一蹶不振遂絕意華膺頰首書窻作為詩歌以自娛予締交五年矣偶出竹村巷鵑詩一集畀予為序予嘗從蓮坡商榷歷代人物優劣及名物制度諸損益蓮坡傾懷展臆條指始末莫不有以究極其根抵則充蓮坡之學登之岩廊貢之大廷詎不足以頌太平備顧問今乃僅以詩見豈蓮坡之志哉雖

序

一

然予竊恠古來文士失時不偶徃々甘心沈溺而激為悽戾危苦之辭甚者放情肆志脫略禮法其抑塞磊落之氣視九域之大覆載之寬舉不足容其一身今蓮坡寓意耕漁暇即以載籍養其身心以翰墨永其日月其發為言也和愉而不憊踈亮而不迫俯仰自適而無牢愁沉抑之思所謂窮達一致而浚於道者非耶夫用舍隨時迭有顯晦惟明乎進退消長之故則有所失於此必有所償於彼無所聞於今必有所傳於後嗟乎蓮坡固古知道之士也予敢以詩人目之哉乾隆六年二月

柘坡弟萬光泰

蔗塘未定稿

宛平 查為仁 心穀

竹村花塢集

起乾隆丙辰盡巳未

予始弱冠讀書錢塘之西溪愛其竹翠羃山繁花
襲澗欣然有終焉之志既蹈仕網願不得遂彈指
日月忽三十餘年矣丙辰以還汪子西顯陳子江
皋先後北來下榻予之澹宜書屋琴歌酒坐每述
西溪花竹之勝思之轉深抗塵容走俗狀山靈不
我騰咲請以茲集為他年卜居左券

元日試筆

蔗塘未定稿

一

南竹青松拗幾株
膽鉸宛對歲朝圖
道人炙硯思題句
墨正濃時一字無

送宋廷俞還長洲

昔我夢江南如垢思梯沐幽懷縈千縷
勝覽覩一蹴沿緣涉吳會
懽喜到童僕天霽朗以激河轉絡而曲依依
接林塘歷々愜心目言尋窈澗流遂憇席阜麓遠水畝
平疇長松蔭低屋丹楓款岬明黃菊繞籬簇登寺日未
斜陟山風頗肅遙堞蜿蜒盤芴塔吸喋蠱側睇雲唳鴻
俯瞰坂驅犢林影散參差盤石互磅礪紺殿翳龕燈香
厨具茗粥坐深鐘梵沉吟餘木葉禿積願起夙疴清遊

屏繁縟送君感前塵蠟屐定當續

上元夜和如岡姪韻

閔堂絃管雜觥籌罷酒長街連臂遊惟我心情閒似水
忍寒祇愛月當頭

過施濟清寓館留題

不異山隈與澗阿茨齋占得好行窩微黃低拂惺忪柳
積翠旋通窈窕窳蘿茶竈筆床殊位置膠山絹海好摩抄
為期滿貯麻姑釀紅杏花開步屧過

連日塵埃稍遠寐空澹宜書屋棖觸齋愁得長

句一首

蔗塘未定稿

二

幾點疎梅香暗侵春雲不散歷檐陰讀書每喜勘難字
得趣何勞彈甕琴半世靱塵甘落拓卅年情事費追尋
置身擬上方壺頂俯視滄溟一齋心

四月二十六日作

麥秋天氣滯餘寒一樹璫枝帶咲看江北江南卷似海
移栽誰許並闌干

出部

山郭吹來如意風鐸聲鎮日喚東之前邨不少閒桃李
獨愛南塘豌豆紅

許渭符之官開封枉過水西莊留題八詠信宿

而別奉酬四律

抽帆通潞下半刺六雄哉漢代崇儒術名藩藉健才曉
烟過汜水春樹繞繁臺高李風流在懷賢酌一杯

赤管摘三殿隄廩給尚方大科期俊傑報國有文章符

方應博學鴻詞徵試後未及奏名銓擢外任暫駕緹油出終隨鷓鴣行玉堂揮

翰手佇爾侍長楊

毛生欣捧檄陶母責監魚清節昔年著新詩萬口譽奉時

母徐太夫人同行太夫人賦水西詩五章凌轡一切鷗邊閒倚杖柳外數停輿安得

施紗幔宣文乞授書

隔歲瑤華贈開緘小雪天迢々阻道里寂々卧林泉鄭

蔗塘未定稿

三

重忽携手低回此別筵紅荷花繞檻弭櫂且流連

朱崙仲由真州張帆至京口自繪為圖囑題小

詩因述舊遊應之

天塹從來誇地形賦詩臺下暮潮平烟開樓閣金山寺

雲捲旌旗缺甕城萬里白鷗隨浩蕩一江赤馬渡縱橫

畫圖省識經行處為爾揮毫百感生

叢菊盛開招同如岡姪貢木從孫集澹宜書屋

分賦

周堂羅菊蕊楚客眼為明人意重秋老花光鬥晚晴掃

除栗里徑料理景山錨相對一杯酒何如身後名

食橘

張公大谷梨信都仲思棗梨脆可釋帽棗美可却老北
人矜北產詎識橘柚好憶昔客杭州清霜降秋杪亭前
兩嘉樹朱實懸杲杲采摘無停時百回樹根繞散擲滿
牀頭亂堆雜書稿異芑選市擔餘味乞鄰保醉藉解宿
醒憂來滌煩惱此意重踟躕歲月疾于鳥封題三百枚
阿誰郵遞早手搓薦玉盤芬芳溢襟抱上以羞老親下
六逮襖襦餘波沾減獲盈筐一夕倒適口境難再撫案
心悄々堯舜不恆嘗吾其敢憎少

憶別

蔗塘未定稿

四

寒夕不能寐起視夜未央明月鑒虛幃幽恨輾轉長憶
昔別離時正當月滿床月經幾圓缺會期不可量惟有
抱區々共此明月光

立春

纔到東風百事妍竹爐茶臼意翛然映窓清影梅枝瘦
拂几紅牋詩思偏剪燕不妨隨俗例畫雞曾記戲兒年
轉珠日月匆々過生菜堆盤又薦筵

人曰招同高宗山汪西顛胡文錫魯存弟菊所

姪遊水西莊分賦

峭寒未許到樽前不負春光玳瑁天莫訝今年花事晚

梅心已吐柳繅烟

天教我輩樂清時且泥黃藤一中之廿四番風如卷蘅
每逢花放要題詩

染香齋醉後放筆

不請君王丈二爰不求上藥到金樞一生斷送須沉醉
莫認高陽舊酒徒

病起郊遊用東坡安國寺尋春韵

一月不出愁東風金卮翠杓無人同鬢絲禪榻成獨卧
水邊孤負天桃紅今晨一咲上簾輦出郭前導雙鳧翁
清明寒食次第逼春穀吹入錫簫中畫船尾々移堤外

蔗塘未定稿

五

中有吳兒歌小海儂六心如木石枯不用傾城貽雜佩
錦瑟年華劇可憐掉頭吹落沈郎錢花前且為甸甸日
莫待苍殘憶花發

送符幼魯歸錢塘

拂船垂柳碧穆々世路風波爾我諳此去願為帆十幅
如弓吹送到江南

初夏水西莊寫望

新篁迸雨檻餘花墮風軒作團蝴蝶舞矚翅鷓鴣眠覽
物愜佳趣靜對屏袍絃平生慕夷曠當境良悠然况茲
天宇霽繁條發幽妍欲舒望遠目載陟崇岡顛淀波流

浩泚平楚鬱芊綿此邦歲墊濡雁戶稀炊烟避囂懷整
密憫農心重煎且從田父飲來牟祝豐年

自遣

漠々雲低閣愔々花照林地偏人跡斷潮定水痕深起
嬾少秦緩忘機從漢陰乞閒吾計得多事學浪金

重游上谷雜詩

晚泊新安

三十年前此地過綠蒲紅槿映新荷而今風景渾如昨
羸得霜華兩鬢多予年十四過此今忽四十四矣

曉過安州

蔗塘未定稿

六

碧波青嶂兩悠然自安州至清苑遙望山色層巒疊翠与水光相映隔岫人家楊

柳偏曾記昔年沽酒處漫天風雨促吟鞭昔年乘舟以水淺換騎時值風

雨避于酒舍

上谷舊居

天邊歲月箇難任人世滄桑感更多幾度沉吟思往事
風華情思搃消磨

古蓮花池

蓮花池是古靈臺特地維摩為再開蓮花池傾頽已久制府李公重為脩葺

萬朵芙蓉呈水面知應天女散花來

小蓮花池

石橋南去水湯湯，尚憶兒時蹴鞠場。今日池塘春草碧，
雁鴻踪跡各飛揚。履方弟幼時與予常游嬉于此

香閣故址

天香含蘊結同心，竹馬時教到碧岑。一自靈風飄屋瓦，
淚痕長向枕邊尋。

惠上坡

伏雨闌風鎮日長，卅年情事費思量。生憎惠上坡前草，
偏自青青入夢涼。

七月初一日返棹東下

揚舲直下大堤頭，碧水潺湲竹箭流。此日風光尤快處，

蔗塘未定稿

七

一航載得半帆秋。

新安

沿溪村落，在城東。彷彿營邱圖畫中，最好斷橋垂柳外。
綠簑背立一漁翁。

趙北口

年々此地沐春風，二月宸遊下杜中。玉輦不來金殿迥，
舟人猶指舊行宮。

張青口

荻花淡蕩蓼花明，菱葉參差荇葉平。絕與江南風景似，
家家門有小舟橫。

蘇家口

一片芙蓉萬頃同，綠溪逐港盡堪通。恍如身在琉璃界，撲鼻清香刺眼紅。

將至天津

跋浪潛蚪舞，怒濤凭舳。詩思劇蕭騷，雖知兩岫人皆愕。祇覺中流咲語高。予出門旬有二日，無日不風雨。三日來河漲發，浪湧波狂，數百里一望無際。村落飄沒，斷絕行船。獨予乘一葉小舟，連夜而下。每至城市，人皆詫之。因憶洪覺範有不知兩岸人皆愕，但覺中流咲語高之句。予今知而不懼，覺狂興更勝一籌也。

附題蓮坡居士上谷雜詩後

戴永植 于庭

懷人蕙憶舊百里，即天涯。謝夢池邊草，劉題觀裏荃。

蔗塘未定稿

八

雲烟室過眼，風雨獨還家。蓄淀高吟處，如浮海上槎。

查學禮 魯存

輕雲一艇滌秋襟，卅載離情入夢深。披讀阿兄遊覽

句，慕花菱葉總關心。

南溪

負郭饒幽事，凭軒無俗譚。落花寒食節，飛絮午晴天。水次呼蠻榼，花鼓走錦韉。昔年行樂地，回首感華顛。南溪即康

園齋址

和魯存弟秋日雨中水西莊雜咏

秋風秋雨信安灣，樹影波光掩映閒。結箇茆亭臨水住。

寂宜高枕聽潺湲

抽得閒身到水邊
沈寥正值雁來天
滿園秋色無人管
付與蘆汀三板船

樹頭剩有暮蟬鳴
樹底時看老雀行
一卷離騷隨意讀
雨聲喧處雜書聲

共踏梯枕上小樓
凭闌面々為勾留
劇憐滿徑蕭疎意
暮紫萸黃作好秋

重九夜舟中獨宿

持螯左手右持杯
兀々騰々醉袂開
小艇孤燈人獨卧
秋風黃葉雁初來
千年雲冷藍田會
一窖塵銷戲馬臺

蔗塘未定稿

九

自古賢豪同寂莫
最佳時莫動雍門哀

攬翠軒與端木從孫飲

草堂寂歷市轂遠
柳徑陰沉秋意深
老去賦詩刪綺語
近來學道愛澁心
樹頭霜果青紅摘
杯面香醪凹凸斟
整得與君逃物役
眼明飛過帶絲禽

偶成

玲瓏格子障輕紗
竹簾橫陳蝶夢賒
夜半酒醒看月上
一簾疎影刺桐花

自題花影庵寫經硯

何人結交稱耐久
惟有石卿與我厚
黃霸曾携受尚書

九年六伴鄖陽居稜々霞質堅不變至今淚滴玉蟾蜍
我既不能視草趨明光用爾落筆中書堂我六不能飛
書學草檄同爾從軍生擊賊落々莫々守此十笏龕生
天成佛徒空談不如埋頭日寫華嚴八千偈遲爾點頭
叅二諦

洋菊花所讌集同劉紫仙吳中林朱崑仲周月

東余犀若趙端人汪西顥施濟清萬循初魯存

弟分賦得一屋

有客蕃舶來贈我數本菊云從鯁窟移竒葩種所獨鄭
重命園丁灌溉毋辭數纏根草必芟食葉蟲必扑譬彼

蔗塘未定稿

十

蒙養功旦々勤護畜入秋百卉枯霜清天宇肅柔條吐
繁英夾砌爭眩日紫白頰紅黃一一色具且或俯鵝翎
披或仰雞翎蠹或大擎盃盤或細織羅縠既殊艷縣姿
可補蒙泉錄嘉我素心人看花來不速移床遠花坐開
尊對花漉改席停箏琶賤子一言告我

皇愷澤宏毅教踰九服白雉獻越裳葡萄貢身毒海波
靜不揚絕徽效臣僕遂令鮫人花六得到茆屋當歌酒
莫辭燒燈夜能卜年々醉蒼菊莫忘承平福

附

看洋菊分賦得二十八勸

吳廷華 中林

西風澈高林人与菊俱澹遜之尚正黃次第及緞紉

本是陶家籬乃繫蛋船纜秋色雜海光殊方得勝覽
始如藥苗肥漸若蘭芽蒼盛開成鑑擊圓或作巽甌
標格自孤清繁華抑何憾朝來三徑闢素心共茹吟
鶩笙曾城艖羯鼓漁陽摻歌圍紫髯醉塵動雕梁暗
身非顧誤人按節空點勘花本稱希殺賞音在恬愴
多君兄弟賢風雅久荷擔詩筒飭時々徵歌特其暫
入夜飲益酣險韵手爭探寒蛩互喧闐更漏鳴再三
公等足金石我獨愧鑄鑿且從菊部頭一和新阿濫
和梁香生東安道中作

石梁城外夕莽々四郊鬻禿樹駭人立飢鳥學鬼啼徘徊

蔗塘未定稿

十一

徊失羣雁進退觸藩羝輸爾新吟好橋危怯馬蹄

秋夜

雞蟲得失何須問聊爾閑吟夜未央簾樹含烟難辨色
瓶茗貯水有餘香且煎雀舌添清課尚戀蠅頭讀細行
驀地又教悲老大朝來兩髻點吳霜

題西顯花塢卜居圖

誰似香茆十束好披圖積翠滿空山書探春暘秋陰裏
屋占蘆泉讓水閒小住樹邊忘月上偶吟橋伴共鷗閒
梅開更羨饒佳趣日々提壺不宥還

以蠲梅貽墨田上人戲勝一絕

萬綠嚼蠟知參破不向枯枝覓冷香折寄支郎供一咲
眼明添取十分黃

除夕

又是飛騰暮景時春風門外莫嫌遲
唐花催放迎年鼓吳橘香流餞歲危
扶杖老親懽具慶繞床稚女解吟詩
團欒便占人間樂結柳為車也自癡

僕性不耐喧雜每為俗事牽率輒攢眉作苦或
殘客到門噂啗不去則必委頓竟日而後已入
春來快雪初晴一無攪擾廓處丈室流覽圖史
外惟靜對水仙十囊江梅數萼不自覺心地豁

蔗塘未定稿

十三

然也因成斷句以慶予遭

詩從冷處吟偏好人到閒時興轉清
愛煞日長花正午
弄晴啼鳥兩三聲

春雨

風々雨々到黃昏檻外丁香合
斷魂遙憶西園橋下水
夜來應更長新痕

西顥以新輯西湖志見貽述懷奉答

西湖週遭三十里漱灑波光清見底
三面山環東倚城就中佳處難為指
昔年曾上總宜船選勝尋幽事々便
寒香破萼探孤嶼素魄澄輝懣冷泉
流光過眼如炊黍

卅載清遊一仰俯時々飛夢繞孱顏月計依稀十有五
前年有客湖上來告我風光口為咍葑雲盡捲芟田拓
倒浸羣峰水鏡開去年又得錢塘信傳說六槁花作陣
弱柳縈烟翠帶長嬌桃漬雨脂匳潤弱柳嬌桃無處無
蘓公堤畔錦糝糊樓臺小李丹青筆花鳥徐熙落墨圖
我時聞之陡神王便擬乘流到江漲塵網千絲吹不開
坐愁行憶空怊悵故人特為起膏肓什襲圖經遠遺將
解綽急展麝床足細讀頻消蠟炬光飢似分嘗玉文棗
癢如情得麻姑巾子峰頭挈榼登客兒亭下支筇眺
卧遊三日又長嘆畫餅何曾得佐餐終須卜築西湖去

蔗塘未定稿

三

暮々朝々把釣竿

春日初至平谷

雪消沙路馬蹄輕青笠紅衫得々行城自羣齷環處立
雲從絕澗斷中生榆暎麥隴分阡術莨莖豎漁翁失姓名
淳朴此間吾寂寞買田擬傍瑞屏山名畔

雨後藕香榭看荷

半餉輕雷過野塘依然樹杪染斜陽粉紅半褪當風立
似試華清第一湯

翠蓋擎來卷白波十分涼意水亭多依稀喚起江南夢
只少吳姬蕩槳歌

泛舟海光寺懷湘南上人

鷓鴣浮小艇秋漲共沿洄獨鳥衝烟去
癯僧策杖來鼠窺施食鉢水接講經臺
太息葡萄屋湘公挂無人剪草菜

警蟬

爾足非不捷爾骨非不剛當烹為爾惜口裏生雌黃

送毛生南歸

十五毛郎工屬詞曾將紅豆譜相思而今頽曲樽前少
莫向春風唱柳枝

八月十六夜得月喜賦

蔗塘未定稿

古

誰遣姮神隔夜來呼兒且覆掌中杯清光闕處無多子
舉首看時應屢回老桂團團滋冷露殘蟬嘒嘒曳高槐
虧成久識尋常事肯使幽襟慰不開

得履方弟真州見懷詩即用來韵報之

堆案楞伽百不思題詩先報知君知開尊北海猶初志
射席南山非昔時差喜未荒三徑在休嫌不調十年遲
陳官屯口通宵語每聽征鴻悵別離

方貞觀寄贈自著南堂詩鈔奉荅一律

龍眠山畔方三拜一卷清詞遠寄將格律獨師長慶體
才名不讓甲科郎早年笙磬稱同調此日鬚眉想老蒼

簾裏更搜秋感句
猿吟巴峽泪沾裳
貞觀有秋感詩傳誦南北

容城白塔

鴨鳴塔上事堪驚
拍手林閒相應鳴
何不竟成獅子吼
一聲盡喚世人醒

重經安肅

雞唱穀中人不逢
合符難問釜山蹤
荒堤塊扎紆車轍
遠樹微茫著霧淞
冰合浣衣塘外水
風傳興國寺前鐘
晚菘此地饒佳味
喜得行厨一飽供

北河

南北爭雄地相傳
隔此河波殺猶鼓
角樹影散干戈野

蔗塘未定稿

十五

戌寒烟直荒林凍
雀過白溝衣帶接
千載怨從珂

琉璃河

源出房山龍泉峪流經良鄉縣界金史稱劉李河因村以名後改稱琉璃河

濫觴聞自龍泉峪
如殼波紋細細吹
縱使村名無恙在
合將劉李換琉璃

夜至河西務

南蕩池前路年々
逐轉蓬古原沉暝
色寒氣咽長空隱
約孤村火窳颺老
樹風暫投人處宿
坐撥地爐紅

送中林應徵入三禮館時纂天津郡邑兩志甫竣

竣

吳侯嗜古天下少
恨不相逢十年早
豐頤闊額味道腴

三五六經恣論討去年泛櫂漂榆津菊有黃卷秋未老
良二千石百里侯束帶爭迎走躡々天津三衛建永樂
勝國典章規制小

憲皇德教敷薄海特改雄藩屹障堡沿波討源叩舊聞
徃籍無徵跼如埽西京雜記青燐銷三輔黃圖白蟬飽
僉曰述作吳侯賢具幣致辭求屬稿莪々高館築城南
池水鬱環蒼玦抱大書特書氣凌霄予奪抑揚無屈撓
諾皋齊諧一例刑焉馬銀根說不勒河渠遠法龍門書
人物宵襲扶風表信以傳信疑傳疑冰雪心腸白日皦
瓠落憐予無所容異苔忽合同岑好老影庵前日夕過

蔗塘未定稿

去

百楹千觚縱傾倒健如渴驥奔澄潭快似長鯨吸洪潦
咲口朝々向客開不知何事為煩惱黃閣新聞有薦書
匆々催上長安道短轅驛路挽不住隨分離筵慙草々
席觀諸儒屯似雲此去一軍張大燾由來說經紛聚訟
何況曲臺易膠擾以經解經侯寤能鄭注賈疏駁毋矯
書成刊石榜鴻都萬古江河流浩々

早春

晴闌日午鳥闌々一段風光欲畫難春色淺深簾幙外
梅花消息酒杯閒薺茶歷畫書多味蠻觸無爭境自閑
只怪滿頭饒白髮却將何計得除刪

張鴻齋過水西莊有詩見贈依韵酬之

鴻爪分飛跡不同相看兩鬢說成翁
人來趙北燕南際春在長紅小白中
瓦注宵從傾魯酒蔬盤尚可薦周菘
祇愁詩思如枯井跛足難追行步工

嗜好何妨與世殊此間真可著潛夫
攤書自檢漿花法埽壁常懸種稻圖
午枕夢回聞乳燕小池風起看飛鳧
愛他鷓子輕千葉乘興還能再過無

香山白傳有身不出家心出家句而鄭都官六
有閒披短褐策山藤頭不是僧心是僧之辭兩
賢襟抱可謂能住世出世矣予謂較量身心尚

蔗塘未定稿

七

落穀聞辟支為下一轉語以質二公當不嫌饒
舌也

不識無々相何能見此心隨緣持半偈明月照疎林
贈余荆帆

花影離披雨後天落紅飛絮自年年豈知示疾維摩地
結得君家綺語緣

雍正乙巳荆帆於海光寺見予無題諸作謬荷許可

也如無着与天親燕子堂中數夕晨寂是不堪風雨夜
一燈如豆話前因

春風二月柳搓絲多少用簪製嘏詞我是瞿曇香案客
但期壽相總無時

屋南小築落成

非闕有意避囂炎小築無多在屋南移得新篁剝覆檻
憂來窠石便成嵐兼珍致膳慙三脯插架儲書剩百函
最好雨晴風定後涼蟾盈闕靜中參

題倪雲林畫

槩几無塵寂不諱老桐洗罷夕陽斜門前熟客知難到
自煮清泉白石茶

若槎坐雨同汪西顥陳江皋魯存弟分賦得微

字

半天梅雨暗侵扉似泛扁舟泊釣磯未必有歌聞款乃

蔗塘未定稿

六

却看無樹不霏微好裝書畫終年住若問風波此地稀
滿徑苔痕如綠漲何須鷗鷺始忘機

雨中讀陳子翹先生所注金剛經却寄

積雨少來轍門掩三徑荒苔痕交斲砌梧影侵隣墻靜
披貝葉書細蕝梅檀香垢慮暫爾釋塵累彌難忘何當
叅真諦一叩淵鏡光

題西顥天津禱事詩後即送還錢塘

直沽風景年々好懷麓堂詩遠擅場

明李東陽有天津八景詩載懷麓堂集

愛爾百篇凌八咏明珠一串歷歸裝

虞衡桂海詳方物耆舊襄陽錄逸民不及槐塘街上客

別翻花樣墨痕新

蒐竒補佚推詩史莫作模山範水看他日輜軒如採取
圖經重付棗梨刊

方鏡和杭大宗編修韻

巧製何人鑄直方開奩四角吐寒芒乍疑屏影分冰彩
旋訝窻痕鬪月光幾掬霜華浮鬱翠一泓秋水溢銀塘
畫眉絕勝團藥樣始稱風流京兆張

秋冬之際尤難為懷王大令用以致慨旬日中

張少儀歸蘓州趙端人汪西顥歸杭州家貢木
歸嘉興散如落葉不自知愁緒之如夢也寒宵

蔗塘未定稿

元

索莫燭花半零追維合并之樂逾增予處之感
爰成短章以寄諸子同心離居知諸子亦共此

倦之爾

人生非麋鹿安得長聚首此語古稱達而我獨謂否芷
蘭本同汀移植難為馨琴瑟本同調解絃難為聽况我
二三子爾汝交忘形前日送吳艘昨日送越舸別時心
已苦別後眉更鎖殘露滴高柯寒蟬啼前除所思日以
遠搔首空踟躕天際帆漠漠烟中樹嗷嗷楚澤鴻
颯々齊州兩極目渺愁予夢入江南路

予与王雨楓不見二十年矣頃入都相訪值雨

楓是日買舟天津過子水西莊走筆奉寄并訂
晤期

我從燕市尋君日君向津門訪我時豈是天公喜離別
故教人事怨參差折腰陶令憐垂老斫地王郎感舊知
馬首來朝便東指擁爐重話杜鵑師

謂高雲
老人

蔗塘未定稿

三

山



游

集

山游集序

予甫冠學為詩請於先生長者曰詩何繇而工長者曰亦多讀書多游覽耳時方事科舉學聞而置之稍長盡取古人詩諷誦之見其意境甜閒神鋒標映者大抵模山範水之作居多而曩時長者之言始信丙辰夏北走京師歷吳楚齊魯燕趙諸地凡三千餘里舟衝洪波車駕巍坂際羈愁無俚時每托歌咏以舒其鬱轡困苦之思詩不多作、竟不能工又疑所聞長者之言為不可信也尋客津門獲交蓮坡蓮坡少負逸才轆轤不遇手闕水西別墅貯書數萬卷枕藉其中日事嘯詠性好遊

序

一

聞話佳山水不難重郵累駕而往顧興旋發旋止予私叩之蓮坡應曰古人之游有所乘也我人之游有所俟也雖然盤西二山近界畿輔曾一再陟之而且詠之矣知予之遊者子也知予之游之未敢遽遠者六子也子不可以無言予受而讀之終卷若穹岩窈洞近接于目也雲霞蔽虧朝霏夕烟縈拂于几席戶牖也幽泉之瑤琤林籟之蕭屑與夫樵吟梵唱禽鳥之音適于耳而互答于左右也不禁作而嘆曰詩之工拙果繫于游哉然有難以理度者假詩必游而後工盤西兩山裹糧擔簦者一歲之內趾相錯肩相摩不知凡幾或遊矣而不必

能詩能矣而不必盡工即以予之弁陋隔歲常策杖兩山所作都凡近然後知蓮坡之詩之工雖結癡于山水者深寔六讀書之多有以陶寫其靈能而抗懷于物表也則予之請益于長者不當徒求于游而向者之說洵無可疑也州有九歷其八嶽有五涉其四予知蓮坡猶未履意他日行篋之作定有什伯于此者當更為泚筆序之乾隆六年夏四月錢唐同學弟汪沆

序

二

蔗塘未定稿

宛平 查為仁 心穀

山遊集

起乾隆庚申正月盡辛酉四月

庚申春策杖盤山往來得詩如干首既別為紀以存之矣辛酉二月以事抵都門馬上望西山諸峰浮烟暖翠遠來親人遂發興以遊復得詩如干首爰合前後山遊詩都為一集并以道途及贈答讌集諸詩附之元道州云山林幸不求吾是泉石又不責吾非然則遁跡是非之外舍兩山予將奚托耶

蔗塘未定稿

正月三日作

一

元日雖過春尚遲人曰立春風稜如鏃貫重帷不隨車馬塵埃擾且看青紅兒女嬉老去最憐新歲月閒來猶愛好花枝當筵一樹梅先放自洗澆寒兩玉危

冬盡日

人々競說春光好我戀嚴冬日々晴怕到東風二三月落老飛絮愴人情

春夜曲

當堦羯鼓催春風珮環回轉聲丁東龍脂焰熱吐十丈高臺照耀胭脂紅芙蓉肌弱霓裳薄夜怯春寒護羅幙

一串珠喉宛轉歌地衣蹴緇塵落整髻收屣作態遲
迴身旋舞小腰枝滿堂絲竹人聲寂十二闌干月墮時
生年滿百何曾有昨日少年今老醜勸君莫惜秉燭遊
更進葡萄一杯酒

湯與

日炙牕櫺雀啅頻歲華又見一番新愛閒性本難隨俗
放嬾身今不屬人牢落詩篇皆漫與蕭疎門巷迥無塵
不須更畫平安竹自有梢頭如意春

咏鐵燈

雨葉烟梢籠畫圖錚々勁節出洪鑪此君自合將金鑄

蔗塘未定稿

二

相對何愁一日無竹

踈槐露冷逼殘秋蛻去真同繞指柔試問一痕烟火後

可能流響出枝頭抱樹小蟬

魯亮儕觀察以所畫山水冊見貽為賦長句謝

之

常堂居士令人豪七十矍鑠鬢不膏高談響振密須鼓
雄文怒捲錢塘濤少年勇挽弓四斛入山席兕驚逋逃
輪蹄舟楫徧南朔興發題禿千鏡毫功名晚達六不晚
十載銀爛拖恩袍臺符吏牘入手了詎比無術鉞刀捺
日長官閣暇無事游戲翰墨凌岑嶽峒百尺盤鳥道

遠水一碧連蘅皋溪旁野屋跨小竹烟外歸客浮輕舸
長纈短素恣揮霍擱筆滿引涼葡萄有時齋心狀仙佛
丹青顧陸名同囂始知賢者不可測餘技亦足凌詞曹
十番遺我什襲縞寶之不異綏山桃試開棊几風蕭騷
彷彿驪霞轡羽遨

上元後一日偶作

坐對春風裏行吟曲榭閒破正較晝永因病覺身閒燈
火喧鄰巷梅花駐冷顏閉門無一事即此是深山

題灑湖漁隱圖

斷柳殘沙不掩堤秋來尤稱水禽棲羨他月冷蘆花上

蔗塘未定稿

三

夜々隨君住碧溪

懷張湘門少廷尉

脫屣公卿振霍翎遺縈趨去葺農經理輪直節傳都下
繫襪家風在漢廷轟飲難忘杯沒憤好詩尚見墨黏屏
澧蘭沅芷無窮思欲采芳馨悵夕冥

遊盤雜詩

北倉

二月韶光自不同日晴沙暖晝融融河冰初泮浮孤艇
柳意全舒受好風社鼓聲喧邨店北酒帘影颺板橋東
纔離沽水無多路已覺塵囂遠市中

宿崔黃口

遠成鳴宵柝孤村共此廬但期樽有酒不計食無魚紅
燭低檐暗黃茆野市虛莫嫌荒僻地聊以稅行車

大口屯

大口邱臨東海濱

即七里海

黃沙漠々水無痕祇因燕市多

屠販悞使人呼打狗屯

宿邦軍

平岡抱孤村春意生林木向晚市聲收人烟倚修竹假
此暫息踪清夢驚飛瀑曉起望高峰巍然天際矗

入山

蘆塘未定稿

四

行來石路漸高低馬避危橋渡淺溪樹裏人家時隱現
澗邊芳草半淒迷身因出世方知散詩為遊山著意題
從此不須愁道阻穿雲入樹好攀躋

蓮花池

茅屋三間亦可誇人傳池上有蓮菴我來正值春時候
二月初旬藕未芽

涓涓泉畔見竹

脩々灑下竹經冬翠如是最愛兩三枝
幽石斜映水

萬松寺

寺前青翠萬株松寺後巉巖百疊峰
坐久不知天過午

數穀聽打鉢時鐘

返宿天成寺

勝賞清遊不易逢，今宵許我宿芙蓉。人來上界由旬地，
月在西岩千萬峰。好夢只今苗半偈，浮生也似寄微踪。
夜深天際收羣籟，只有泉聲到枕濃。

西甘澗

一條拄杖入雲去，不怕千峰與萬峰。忽聽一聲清磬遠，
回頭已失去時踪。

東甘澗

澗水搜石根，土盡石傾倒。積久成懸崖，凌空勢夭矯。雲

蔗塘未定稿

五

凝洞口寒日射行人，小推門不見僧。石共松俱老，沙彌
知客來相餉。粟與糞，溪山無俗機。淳朴古風好，靜極理
自通。會心殊不少，咲語同遊人。此間堪結草。

青溝懷拙菴和尚

聞說青溝好，相將渡碧溪。到門山色淨，繞屋水聲齊。石
罅穿松鼠，林端叫竹雞。老僧何處去，只有白雲棲。

自拙庵塔院至雲罩寺登挂月峰絕頂

拙庵墳前罷澆酒，又上竹兜向龍首。龍首山在拙庵墓側 磴危道
險不可躋，屏去輿丁納履走。三步一噓，五步停手，胼足
繭眼欲瞑。未經山半已勞憊，仰視千仞如建瓴。左手拄

杖右引僕序如魚貫影縮々攀援欲上轉々難又恐翻身落深谷荆榛細路明盤蝸千回百折穿磴訝遙岑始見紺宇出雲罩天半明朱霞到門已覺日卓午舍利在望興仍鼓道人囑以險莫當唯有此峰不帶土喘氣岩前僅尺盈蛇退後愁未足數輕身一徃到上頭放眼四顧窮寰宇涓々弱水隱扶桑中覆一杯河流黃崆峒遠聳等了髻參差隱見分邊牆黃龍祖師曾卓錫留此挂月峰蒼々世間過眼盡陳蹟舉手大咲捫天閭

訪昭然和尚草庵不可得

人事有代謝彈指成古今去者日已遠來者苦相侵緬

蔗塘未定稿

六

彼草庵叟鑿翠居高岑晚景憇嘉樹朝暉悅鳴禽語默皆入妙山水曠其心今來三十載邈焉斷瑤音徘徊岩壑裏仙源不可尋落日隔暝色負此春晝深孤雲飛野曠雙雀唳岩陰相思空延佇何以豁幽襟仰天成一嘯流水鳴前林

宿東竺庵遇百超上人

斜陽過嶺趁支筇曲々青山面々通愛歛樹稠泉密處黃茆為屋白雲封

消除塵慮屏諸緣到處茆庵可借眠人世大都皆夢幻豈今仍是夢游仙

東竺庵枕上聞雪

花影頭陀帶髮僧連朝杖履為山停偶來東竺庵中宿
雪打寒牕一夜聽

曉起山門看雪

晨鐘警夢破殘燈耿菽粒歛息趺迨牀靈籟延虛入初
驚蟬爬沙旋訝蠶食葉振衣先衆起迺知雪霰集近山
銀闕封遠山瑤臺立大哉造化功寒光萬里吸我欲扳
松行松々玉龍蟄語客且收筇地爐傾米汁

自東竺庵至上方寺贈百超上人

踏雪依山路尋幽步不停石門斜更窄松徑冷還青雲

蔗塘未定稿

七

起驅鴉陣風過帶虎腥上人應悟否澗下水泠々

上方寺觀嶠峽峰

招提千山中流泉對門瀉傍有嶠峽峰卓立四無藉未
許土花斑渾如洗濯罷何年劈鬼斧寒雲幽其罅澗痕
萬古茁松形老將化傳聞庸夜來躑躅此峯下禪師能
伏之時以飯相迓聽罷駭常聞塵囂洒然却

得魯存弟來詩訊山中游事答之

者番游屐冠生平日在山楸松頂行若問眼前奇絕處
白雲親見脚根生

自上方寺踏雪至少林寺觀多寶塔

積雪遍山野冰滑虛巖危中盤不可詣少林六難窺興
發身命小幽峭偏力追童僕苦規諫同遊意已類獨余
膽不懼歷險神逾怡萬籬隨扳援荆榛頻分披不慮屐
齒折寧惜拄杖摧到門日欲側返景明屢屨千花現寶
塔淹漾紅龍池回視九華峰渺々玉參差

再宿天城寺

日縛行勝苦不辭夜來囓語雜哦詩奚童驚起忽相問
公是醒時是夢時

出山

枕溪卧月才三日又向山靈話別離祇恐重來塵事挽

蔗塘夫定稿

翠屏峰下立多時

十一日還家示魯存弟

襜被歸來已夕曛東風猶未到春分山中勝槩難收拾
賸有烟霞袖與君

附題游盤雜詩後

張照得天

人々賈勇余攻愧一字不堪為與對酒深夜靜讀君
詩君是前朝唐子畏

前月十一日歸自盤山過馬家店茶棚寺偶有

題句杜禹門刺史駐車寺中次韵見寄復用前

韵荅之

未能棲水石聊爾滌塵喧二月春風路荒村古寺門停車移樹影齊壁襍蝸痕悔不同携屐清言破鈍根

寄題杭大宗寓齋丁香花

東風駘蕩吹紅紫李艷桃嬌紛眼底一番開落一番空
水西花事隨流水朝來孤坐掩林扉有弟新從京洛歸
為言松吹書堂裏一樹丁香錦作帟每逢下直攤書坐
滿几清陰供清課不問朋樽續々添為傳佳句人々和
排日招邀未許空一時勝槩話春釐相思十二銅街路
迤邐征程有夢通花前未得親扳擷索我題詩空弄舌
明年襍被擬來看寄語司花先打撲

蕉塘未定稿

九

浴佛日劉紫仙余荆帆朱喻仲陳江皋萬循初
胡文錫魯存弟毓書姪陸生染香集花影庵以
心在水精域衣沾春雨時為韵分得時字

蕭然何所有呈佛祇花枝未必聲聞斷寧忘戒律持妙
香縈古鉢晴影漾游絲此理誰能會風簾欲動時

賦得漁莊送葛播書還岷山以山川阻遠行李
時通為韵分得川字

頽霞媚朝浦翠荇漾晴川沿汀網罟集隔渚雲樹鮮中
有隱者居叢葦縈炊烟之子懷故鄉笈簞理歸船長歌
西塞句載咏銅斗篇誓當從君去吹笛同扣舷

次崙仲過石梁草堂韻

風日清和候來遊安次西扶闌葵萼小覆屋柳梢齊雖
燕迎人語村雞向午啼東鄰巷更好藜杖任君携

東安莊沛蒼大令以母太夫人所繪大士像見

貽賦謝

青蓮開妙相頂禮見真如著想鴻濛外傳神滿月初殺
聞原斷絕人我本消除即此堪同證何勞竺氏書

題尤孟仁讀書秋樹根圖

不學編蒲去飯牛不須仰屋費冥搜一編只愛樹根坐
為有秋穀在上頭

蔗塘未定稿

雨中醉後作

十

浮沉世事等萍蹤新署頭銜花海翁何事老開更花落
擬將歲月問天公

小園道中

村園門巷半沾泥蠟屐來遊日未低一陣棗花香裂鼻
和風吹過板橋西

夜坐玉笠亭懷李遠川在項城

溥溥叢露零皎皎孤月上四壁愴無喧風竹屢清響我
思淡蕩人別來芳訊曠素絲空復張竒書疇與賞伊誰
夢可通誰言河水廣

賞雨茆屋圖為吳驥調題

朱樓翠箔春夢破雨聲到枕憂無那
六有清歌水閣頭
瀟灑入夜迴含愁何如達士十椽屋
不種繁花種梧竹
就中喧寂兩俱忘爽氣盈襟把卷讀

中秋前一日對月懷汪西顥萬循初胡友錫魯
存弟在盤山以風林纖月落衣露淨琴張平字
為韵分得纖字

迢遞三盤路相思夜添涼秋輸蠟屐此夕共明蟾
澗涉東西寺雲看朝暮崦山蒼如可摘瓊重寄芳纖

冬夜偕吳中林汪西顥陳江皋陸賓之翟大川

蔗塘未定稿

十一

暨陸生染香集杭大宗無畏室以多聞增智慧
無畏得清涼為韵分得智字

嘉會闢南榮幽恬具真意雖居九陌中靜喧同一致
黃花抱晚香白雁鳴胡吹相對愜所懽討論無不至清言
且滌煩妙諦亦斷智誰謂禪悅空其義寔無二坐久澹
忘歸捲簾月滿地

曉發安平

驅車出廣道喔々荒雞鳴曉月凍未墮照人如雪明
六根無垢滓萬境俱澄清除彼有著想愜我遺世情為誦
寒山句聊當浩歌行

屏跡

屏跡稀塵事無愁度歲華幾行新偈子一屋冷梅花多
病客常謝安禪念不差邇來增嬾癖詩不賦尖叉

春游雜詩

桃巷口

柳色半黃春半露行人正到桃花渡桃巷渡口波湯湯
桃花渡外春尚寒春風吹皺桃巷水禽兩兩因風起
莫謂桃花猶未開枝頭抱滿春光來

東安

安次城西關草堂到來風景儼家鄉頓忘此日征驂苦

蔗塘未定稿

十一

猶記年時賽社忙

去年來遊通土人賽藥王神

頭白內官談舊事

草堂與內

監高公比鄰每到必扶杖至

雨昏小閣薦清觴今宵有夢多應好莫向

東風較短長

韓村

相傳為韓壽所居

一分晴色一分春村舍人家楊柳新我說至今餘臭在
襲衣莫問竊香人

榆堡

匹馬歸來日未斜有懷堂畔見桃花迎人蝶弄首
向暖鷗眠淺沙丙舍長看留美蔭丁年獨感閉雕笈
此身自今為農老擬傍園官學種瓜

過南海子西紅門外

螞蟻墳西沙作堆按鷹臺下水潑洄 清時事々同民
樂雉兔芻蕘日往來

垂柳如烟拂水痕籠鞭斜日出紅門兔葵燕麥春風裏
何處重尋廿四園

草橋

風來草橋南人過草橋北橋下不逢人飛起雙鷗鷺

謁天壇過舊時寓館

曾住南廊小草堂蕉衫葵扇共追涼六時粥鼓凌虛閣
萬樹松風清淨場紫陌舊游堪屈指元都重到只迴腸

蔗塘未定稿

三

簷前獨有老槐在又被群鴉鬧夕陽

觀劇

一曲霓裳酒一卮風光不是去年時古今半晌春宵夢
若箇當筵聖得知

與中林賓之飲大宗無畏室夜歸有懷西顛

江皋

去年踏雪長安陌醉裏狂歌拓金戟今年躍馬逐春來
入門咲語仍喧噓眼前獨少舊遊侶忽々停杯憶烟渚
花枝冉々波粼々趨去應同淡蕩春

百草山房

昨日蒼未開今日花已坼倚樹聽鳴禽開軒對芳陌山
房何所有青松俯白石敢誇辟疆園聊擬盧鴻宅隣翁
平生權扶杖來看客環坐藉莓苔餽釘羅殺核半酣月
華升清光散沙磧

曉起望盤山

歌枕聽山鳥晨光動屋椽一峰纔吐日萬樹盡開雲寺
阻烟霞窟人懷鸞雀羣何當東竺住長此謝囂聞

圓通寺

窈歷赤華舍連扉晝不開雲衣高樹頂鳥篆白沙堆舊
識僧無恙今春我再来小苗殊惜別敲火試茶杯

蔗塘未定稿

十四

北石渠

近山地僻塵難到踈落人家半隔溪客子趁晴春試馬
茆檐向日午啼雞浮雲出沒隨山見密樹參差逐澗低
擬更披榛尋蘚壁數行詩句為留題

遊馬鞍山靖嘉寺

即吳雄寺

小山紛起伏峭壁忽爭雄古剎踞其上孤雲卧此中磴
危登陟苦境靜色香空暫乞軒牕坐冷然欲御風

見挂月峰頂舍利塔光

俗傳塔放光即雨是夕
余與同人共見夜半果

雨

曾說白毫光放夜滂沱徵驗寂分明今宵夢入空山頂

果聽飛泉萬壑聲

途次接朱南湖大令見謝盆梅之作依韻答之

桃李漫山敢比倫
水邊林下想精神
莫嫌小盎根株曲
開向東風別有春
晴窓烘日暗聞香
青蔞紅椒引興長
坐看成陰結子後
調羹功更壓羣芳

和江皋見懷原韻

閒愁無那賦新謠
魂磊遙知未易澆
錦字寄來抽繭緒
玉卮閒却負箏嬌
爪痕此際鴻留雪
夢想誰非鹿覆蕉
遊屐至今無定所
敢誇得馬蹄驕

蔗塘未定稿

二五

將進東便門作

青山只隔鳳城闈
一路相看泥殺人
今歲東風莫狡獪
好蒼不是去年貧

偕中林大宗集賓之吉士寓齋

酒愛金瀾釀人堪玉笋誇
相將申夙約未肯逐紛譁
慢卷光入迎塔月影斜
嬉春還有約郭外試輕車

隆福寺

紺宮高涌鬱崔嵬
曾是前朝締造來
多少金錢隨地布
幾重閭闔向天開
鳩工空說陳祥力
伏闕爭傳楊浩才

堪咲利名人衮々市聲闕滿講經臺

陶然亭

陶然亭子傍城南雜樹扶踈曲徑諳春淺蘆芽纔圻墮
日晴水髮已拖藍市聲到此十分靜山色何妨百里探
濟勝自矜餘勇在支筇又上黑龍潭

約吳中林陸用九賓之昆仲小飲

檐雀何處來噪我槐樹陰旭日入我室好風開我襟床
頭有斗酒來自執河潯可以探妙理可以樂用簪况今
二子子投分皆素心百年駒過隙白髮常苦侵願茲有
美酒何不同酌斟

蔗塘未定稿

二六

登真覺寺塔

極樂名藍西復西溪迴路轉得招提塔光迥出眾香界
幡影平臨白玉梯五印度中春不盡千由旬上月還低
鈴聲隱々雲深處下視塵寰舞甕雞

過萬壽寺題調梅上人方丈

師子林中袒右肩指揮如意結跏禪何來岩壑随心現
便有烟霞在眼前曲水橋通芳草外夕陽樓倚老松顛
雲楣繡榻無窮寺泉石勾留此獨偏

普覺寺贈青崖老人

淨域琉璃到未能而今真對玉壺冰無生此日談千偈

幻住何年悟一乘
澗水繞堦鳴滴
殿松穿月散層
智珠便擬從師乞
可許同親梵夾燈

同雨蒼朮宗兩上人遊碧雲寺

前于後魏勢熏天
難足思依石
柳堅咲爾公
齋成底事
一坏今屬野狸眠

登永安寺來青閣遂至海棠院

憇此來青閣憑高俯衆山
衝烟翹鳥急罷磬定僧閒
晚翠漸侵几清流似轉環
一條藤蔓路重為海棠攀

乘月歸普覺寺

聯騎歸蘭若空山月上時
斷崖松影合僻巷犬聲隨
出

蔗塘未定稿

十七

苔逢樵子歧途仗導師
回看林木杪金碧隱參差

苗題朮宗上人玉泉山房

初地雲邊構精廬
岩腹巖半庭春水活
一屋古松香禪已
離文字交須耐雪霜
支公容入社分我小
匡床

普覺寺娑羅樹歌

娑羅兩樹屹相向
伊昔嘉名說交讓
何年移植古道場
鐵幹蕭森切雲上
凌晨樹杪旭日升
飛來翠羽無凡禽
疎枝似拂釋迦影
黛色猶含竺國陰
悵我來遊春尚早
不見繁葩垂殿棹
蔚映空餘七葉青
娑婆擬傷雙林老
苗帥園中蹟有無
慈恩寺外半凋枯
白榆終恐栽天上

好倩丹青著意圖

秘魔崖

秘魔崖蘄絕一徑入雲程嵌石松殊態倚岩池獨清晚
雲隨鹿起春磬答猿鳴為問渡龍子於今何處行

皇姑寺

阿潘舊事搃模糊顯應由來半有無太息奪門人已去
居民猶是說皇姑

福生寺贈文覺禪師

問訊盧溝路寺在盧溝橋西五里幽棲掩薜蘿物情閒處減禪趣
靜中多雨砌抽新笋風廊茁短莎一龕清似水誰識舊

蔗塘未定稿

六

維摩

十載離後座重叅見典型世纓誰擺脫慧炬獨光明
飽伊蒲供茶翻碧澗穀望聞林鳥叫巷雨一天晴

湯與

惻之餘寒漠漠烟日長風細自年々人來上國看花地
雨近清明潑火天一握柳絲縈黯淡穀蕪語劇纏綿
邇來旅恨無些子叅得如來歡喜禪

河西務旅次與崦仲荆帆染香迷山遊之勝

分賦

清遊歷々未全迷疊嶂嶽崿澗水低最好香山々下路

樹梢明月石雞啼

歸途見桃峯作

山中楊柳半抽芽
歸路夭桃已著花
欲把春光相比較
出山原與住山差

附題春游雜詩後

萬光泰 循初

西山二月燒痕青
便寫新詩上石屏
一卷携歸無誑語
山前有客昔曾經

蒼岕謁佛尋松寺
紫陌聽歌上酒樓
都被錦囊收拾得
清詞壓倒薛春遊

陳 泉 江皋

蕉塘未定稿

尤

今春游騎踏京華
不惹紅埃只蘸霞
是自吟成愛呈佛
新詩多半屬袈裟

查 開 宣門

河冰二月已流漸
選勝曾聞杜牧之
句裏青山仍好在
鶯花應笑我來遲

查 義 如岡

春風吹綠上遙岑
舊雨新花走馬尋
十幅烏絲詩卅首
流傳應已遍雞林

厲太鴻徵士以庚申四月二十一日移居詩四首見寄依韵和答

南北相思卅載餘，無緣載酒訪茨居。素襟舊說耽花隱，健筆還傳駕石渠。題扇隔年勞遠驛，牽蘿此日補新廬。城東池水清於染，乘興應隨漁父漁。放懷只在兩山顛，管領西湖作散仙。衝凍常尋孤嶼寺，討春時上暗門船。每逢佳處笛高唱，最愛清遊破夜眠。酒券莫愁當戶索，朝來爭餽撰碑錢。

桑圃蔬畦一徑斜，儂居曾向昔年誇。隣僧分餽塔前笋，野老同評擔上花。去日暗驚如轉燭，此生終擬再移家。倘容兩板連牆住，來伴叢書謝市譁。

蔗塘未定稿

二

裴頭黃尾又何云，散巷灘上人千載。快雪堂前鷺一羣，省識前賢踪未杳。風流異代可平分。

題張天飛侍讀西山紀游圖

今春勝概喜躋攀，尚憶香山卧佛間。泉石未成三宿戀，鐘魚每愛六時閒。披圖正好游前度，學道何曾与小還。擬辦秋深重蠟屐，滿林柿葉看斑斑。

懷會稽雪峰上人

千水千山作蜀遊，未曾暖席便回頭。錦城從此無佳句，應悔當筵少貫休。

荅勗宗上人寄懷原韵

記踏西山路春風長徑苔尋詩穿窅窳杖策上崔嵬忽
枉碧雲句如逢青嶂開遠公容入社重擬打包來

蔗塘未定稿

主

押



撫

詞

昔賢論詞雖詩餘而詞有四聲五音均拍輕重清濁之別其為之也較難於詩蓋以一字不合一句未安一句不調一闕失節故伏習者率鮮而以之名者六閨窈無幾也予友蓮坡才思超俊履險能夷時、招予坐花影菴風簾雪檻刺燭賦詩外尤好倚轂未幾哀其新製若干闕丐予點定抽妍騁秘宮協律諧且盡洗草堂花間之餘習而出之以雅正洵乎能為其難者矣子雲曰能讀千賦則善賦君大曰能觀千劍則善劍為而不止則把臂玉田拍肩白石古今人何遽不相及哉錢唐同學

弟吳陳琰

題詞

一

夜寒來雁少正蓮漏隔街敲香酒冷香殘無計自消懷
抱何處尊前麗句按舊譜梁塵低繞還一咲詩仙老矣
依然年少 故園無限青山憶到處踈狂短吟長嘯迢
遞歸期孤負滿湖烟草歲月堂、去嘆徃事浮雲飛鳥
燈影悄鱗、硯冰凝照 右調玉漏遲寓館冬夜燈青
火白情味索莫偶披蓮坡居士押簾詞懷人感事有与
予情適同者因用弁陽翁題吳夢旴霜荈腴集韻書其

卷尾槐塘弟汪沆

閒簫醉墨本是綠情暗月明花偏能託物柔魂不斷常
如春水之生幽夢無端又踏楊花而去是酒邊之秀句

六詩律之餘波蓮坡先生雅善四愁遠追三影藉空中
之綺語寄內裏之新聲疑有疑無停車洛浦聽風聽雨
剪燭巴山時鬥草而籌花六拈香而喚玉驅一川之烟
草盡入閒愁造七寶之樓臺無譏澀體吟成按節集蹄
押簾以南國之金荃作東風之銀蒜黃荅人瘦羣憐乍
卷之時白燕春深我愛低垂之候遙想畫屏歌處幾回
覘皖籠鶯還思羅韞尊前此夜玲瓏看月柘坡第萬光
泰

國初以來江左言詞者無不以迦陵為宗家嫻戶習一
時稱盛然猶有草堂之餘自浙西六家詞出辦香南宋

題詞

二

另開生面風氣一易于是四方承學之士從風附響知
所指歸數十年來流韻少替焉予少有此癖頗昧左高
下濁之辨己未夏北游假館于蓮坡澹宜書屋每風雨
夕酒邊燭外時同掄韻而蓮坡于聲律之微必抉根溯
源究其旨與至于抽思披藻搃在汰去侈蕝一歸清真
故其所製激響空明華而不靡刻而不露如幽湍之鳴
如虛林之籟一本天然也抑予聞之張升夏云詞以雅
正為貴志之所之不為物役凡人嗜好交馳志分而慮
雜其不為物役者有幾今蓮坡息影水西屏絕塵全忘
情于亞荅姹竹之間引睇于夕月朝烟之外宜其落筆

灑々不為字束不為句牽而體裁衷諸雅正也惜乎竹
垞田居諸先輩久歸道山無由是正當今先路之尊舍
蓮坡奚從乎爰讀其集而綴數語于首對鷗弟陳皋

題詞

三

蔗塘未定稿

宛平 查為仁 心穀

押簾詞

予素不工詞又不解音雖間作一二拊盆叩瓊終未免為鄙社之謂耳己未冬同人有消寒之詠各以倚般相尚斐如邠如見獵心喜因陸續得四十餘闋合舊製共成一帙名曰押簾蓋予居有卷影庵偶讀張子野簾押卷卷影之句爰摘其意以冠集云

菩薩蠻

蔗塘未定稿

乍寒乍暖春如許謝家吟苦池塘句暗裏惜韶光啼鴉恨更長東風何太劣香錦都吹折刺得海棠枝瓶間好護持

踏莎行 和杜鶴老
人見寄

歷盡春秋消殘炎冷七年噩夢何曾醒耳邊取次說新恩由來恍惚如卷影雲雨雖翻循環且等去苗好待今番定開軒若放雀高飛聞聲索我蒼山頂

法曲獻仙音 除夜喜玉雨楓過
訪苗宿花影庵

響竹門閒驅雛人去又是年時臘盡酌酒澆詩倚鋤埋硯岑寂有誰能省喜舊雨還携屐相將過三徑 懽娛

并更煨爐共添商陸且密坐間看蠟卷弄影婪尾送杯
深好黏唇休道酪酏此夜天街啟千門霧紅香凝待催
殘虬箭砌外好春吹近

金縷曲

和杜鶴老人
寄懷原韻

滿眼皆成客况塵寰大家逆旅鄉闕休說榮落升沉都
同夢青髻霎時堆雪惟我夢比人惡絕但見愁雲如潑
墨水無梁枯木刪枝葉空灑盡絲絲血吾師作咒室
翻舌要天憐還須懂懂誰教明徹蘭為當門香忌麝著
處何曾輕歇待償盡方纔作別人道開堂說法好筆爭
如坐補朝陽衲便懊惱數年月

蔗塘未定稿

二

夢橫塘

復蒲
第

嫩逾春藕瘦減秋菰飢盤常記三月玉版同叅較籬外
貓頭無別展葉青々含苞短々艤舟爭拔任輕筐載取
市滿街頭好供給晨飧潔姿顏已覺侵衰嘆先零似
柳對爾愁結薄味充腸也勝似烹葵煮蕨更休問周菘
庾韭俊味山中自誇絕釋箸遙思此君風味住江鄉知
得

滿庭芳

寄懷杜鵑老
人并劉雪珂

滿院春聲一庵卷影幾番閒倚闌干絮衣乍褪還怯曉
來寒欲賦懷人新句咲臨毫又道無端便寄到淮南別

館還恐帶愁看 相思無地着梁空
落月絃冷倚蘭繼 經筵茶竈寂
莫清談 聽徹鶯聲 現曉應記憶
舊日詩壇 休吟到飛花墮絮
相與惜春殘

南鄉子

書趙後山詩集後

煉石補秋爨八斗才高迥異人不枉詩翁兼酒客

後山有玉

世詩翁酒客

憐君應是鷗波異代孫

瀟灑絕塵氛可許

尋常格調論試誦綠楊鶯語句消魂腸斷江南第幾春

後山有綠楊鶯語夢江南句

踏莎行

訪佟蘆村空谷山房

豆葉遮籬桐陰覆地過橋流水涓涓細閒來空谷訪幽

蘆塘未定稿

三

人輕橈獨向松間繫 暑雨纔過輕颺乍起 牕前竹更

搖秋意新詩和了莫教停 最愁辜負涼天氣

洞仙歌

入春以來塵事稍謝日坐花影庵中卷軸之外別無所就卷南硯北頗得閒適之趣為賦此解

流光似箭又東風吹換池上堅冰昨方泮更梅花吐白

柳色勻黃鶯到了喚醒深々庭院 關心殊不淺舊事

新愁都被春聲暗勾轉排悶欲題詩有限蠻牋書不盡

閒情長短但靜掩疎窻 爇爐烟看四壁無塵圖書香滿

行香子

過海光寺訪湘南上人

波影澄空柳影惺忪指斜陽紅認蒼宮紆迴斷港略約
還通看棹初停烟初暝月初籠 餘罷堂東講罷庭中

捲疎簾坐對支公無生妙訣都付鴻濛聽岼邊歌枝邊
鳥澗邊鐘

浪淘沙

同徐芝仙泛舟游王氏園

風送半帆輕頃刻園亭秋光直接漂榆城天外飛鴻樓
外月數朶雲橫感慨有餘情醉眼難醒一聲河滿不
堪聽請看長河流水去徹夜無明

同百草

過宜亭舊址懷吳實厓沈麟洲佟蔗村錢稼軒諸同學

柳館風和桃蹊日暖春來早撇去閒愁且舒幽興趁取
韶光艷好繞沙堤看短草茸々新流綠々便蠟屐相尋
休教惹却燕愁鶯惱猶記維舟渡口走馬臺前沽酒

蔗塘未定稿

四

問旗還共討絡繹傳盃參差擊鉢溯當年豪情不少而
今已雲散風流憑誰到人將老默思量鬢添雪編

憶秦娥

秋聲咽樓頭雨過飄殘葉飄殘葉白雲紅樹斷腸時節
寶釵已折難重合思量往事愁堪絕絕愁堪絕伊人何
處一簾新月

桂枝香

初涼避胡象三小飲并話舊事

擎杯欲酌正海國早秋涼氣初作一片雲橫樹杪風吹
樓角芙蓉漸墮殘陽裏又塔前碧梧摧落露零蟬葉苔
淒蛩稅窸窣偏覺念昔日升沉哀樂總過事驚心前

塵如昨有酒那分賢聖且須斟酌玉簫嘹唳歌聲裊醉
曹騰幾番作惡倩誰來把無邊悲恨一時除却

菩薩蠻

長紅小白卷如織春光荏苒成拋擲燕語似丁寧芹泥
污硯屏美人期未得鎮日空相憶極目板橋西垂楊
鶯亂啼

南鄉子

擗笛與搗絲常向歌筵雙斂眉一種風流人意好堪思
三月鶯老全盛時瘦減帶圍移結束春衫似不支記
得酒闌人散後情癡又聽般般入慢詞

蔗塘未定稿

五

臨江仙

最好清明時節飭簫吹暖東風玉蘭花發更鮮穠滿庭
香冉冉一屋白濛濛金犢小車紛逐箇中愛煞吳儂
偏教惆悵語難通郎家住何處妾住在橋東

唐多令

繡野畦
芍藥

群艷殿春風翻塔酒暈紅卷綃衣襞積千重為愛滿畦
如爛錦頻到此畫闌東歸去莫匆匆須教醉醉袂同恐
明朝風雨催空應憶玉盤詩句好誰得似老髯翁

邁陂塘

夏日喜吳門趙文飲谷偕廣陵許司馬建渠過游
水西飲谷以新穀見贈用和此解以誌雅意

喜朝來畫橈閒樣翠笳報游山館荒籬野圃蕭疎甚無

物為君輕歎，聊着眼刺檻外荷。縷葉呈歌扇，林陰午
轉看長史風流。高人灑落花外咲，言滿天涯。畔難得
相逢。懽懽擎杯休道頻勸。燕雲吳水迢迢，隔後夜相思
莫挽。還染翰羨艷色新詞落，珠成串高蟬弄晚且珍
重。篙師催趲，漫急小戀斜陽岫。

附原作

趙虹飲谷

行次津門同許准渠司馬過慕園查文水西莊
流覽題咏因憶曩與唐赤子翰林以詞相角所
至輒為悞令赤子固嘗三宿茲莊何獨不留一
詞六闕事也不揣蕪陋為賦此調并寄赤子和

蔗塘未定稿

六

之

愛君家水西莊上涼臺。邃館無暑風荷萬柄。齊張蓋
一一翠嬌紅嫵。吾起舞渾不信人間有此清虛府。卷
如解語。問白髮詞人黃塵席帽。休便跨驢去。得且
住喜有主人。治具碧筍好泛芳醕。試看六曲屏山際
飛到江南烟雨。漫凝竚恨唐勒曾來不入離騷賦。畫
欄靜撫。正眉月勾黃冰奩浴彩。又向海門吐。

鷓鴣天 城南

沽水城南水拍天。家々都上打魚船。銀鱗出網常誇雪
白鷺。窺人每獨拳。風乍起。鴈聲寒。黃花瘦盡不成妍。

荒邨殘葉秋光外野成孤烟落照閒

早梅芳

送吳東壁
司馬入都

霜氣凝風聲咽正是寒時節俄聞門外報道徵軺促人
別夜窻餘落燼曉戶微飄雪黯離愁若許此際向誰說
記年來燈與月醉裏同歌闋鬥酒題襟角勝尊前較
優劣豈知沽水上又早嚴程發最難言臨期情萬疊

一剪梅

憶南
北同人

黃菊開時漸次寒葉下亭皋秋老闌干昨宵送客倍淒
然都上離亭誰著先鞭憶舊偏于九月天日斷飛鴻
手拂徽絃夢魂誰說阻山川人在心頭心繫人邊

蔗塘未定稿

七

秋霽

題汪西巖花
塢卜居圖

山繞秦亭愛翠色參天半是篁竹枯樹為橋缺瓜成艇
紆迴小洲環曲野花積處羨君獨占幽人屋漫剝啄驚
起北窻高枕未眠足因自記憶少小當年買舟錢塘
湖上曾宿曉窻閒披圖靜對經行都是舊游躅回首遠
天空夢逐問幾時得相與共結隣牆聽泉高館煮茶深
麓

浪淘沙

雪珂
移居

隱々走柴車載得圖書飄然來共道南居小閣湘簾浮
日色漾出蝦鬚學但味真腴不外營儲琴轂竹韻却

相須鞦韆口人家陶令宅是也非歟

附原作

劉文煊雪珂

卜舍宛巾車儘可堆書蘆簾紙閣鹿門居相對孟光
頭六白雪鬢霜鬚 稻熟蠡還腴儋石無儲墻頭雞
酒尚堪須知已聯床貧亦好病也非歟

霜天曉角

和香雨廡同人初寒集字

紙屏竹屋風透窻櫺曲最愛夜寒清絕搖霜影枝
枕麴吟更續逸響鏗金玉若說故書堆裏焚香坐唯
吾獨

浪淘沙

曉至楊柳

蔗塘未定稿

八

侵曉出津門又到楊邨桃巷口外水粼粼回首海天霞
起處初放朝曦 四望迥無塵淡抹雲痕香茆結屋樹
為隣清景倩誰圖畫也野色鋪茶

臨江仙

宿河西務

衰柳已經前度過荒籬重到依然一年一度似回環流
光容易過世事合離間 舉火墻頭尋舊句糝糊字跡
難看浮生若夢重圓遽飛蛺蝶一枕寄邨鄣

菩薩蠻

答陳對鷗寒夜對月見懷

一年有幾當頭月離懷此際渾如結積地白於霜相思
疑照梁 雙魚驚忽至寄我新題句珍重故人情燈前

擁膝吟

十六字令

漸縣道中

寒颯颯風吹裘獨單將何禦沽酒不論錢

菩薩蠻

娉々娘々情初逗
殢人最愛雲藍袖
恰好十三餘
梢頭萱蕊如鬢釵
羞欲墮
依向樽前坐
翠帶綰同心
憐伊蓄意深

又

珠光月色差堪擬
看來還覺嬌難比
生小自嬋娟
真須著意憐
咲湏纔啟頰
便見芳生靨
軟語畫屏前
依稀

蕉塘未定稿

九

蘭氣偏

又

花衫成削腰
支束步羅灑
渾如濯取次
曉粧難多愁
十八鬢閒來
常不出鎮日
垂簾窈窕
顛倒繡鴛鴦
金針故意藏

青玉案

押經爐和魯存弟

博山改現圓明相
端合在經壇上
渾樸無煩
爨鼎樣黃羅擎
幽紫衣携去
特地供龍象
而今伴我
梅花帳日夕相依
更相倚
一縷水沉烟
細颺似濃如淡
已分還合
聚塔空中想

附原作

查學禮 魯存

香龕裊々輕烟散石磬度魚山梵小篆幽光凝几畔
口平肩鎖足低環反堪鎮三乘亂 前朝十轉丹鉛
鍊憶幾度頒僧院今日飄零在儒案離騷一帙南華
數卷少異祈年觀

埽巷游

武彞茶和
萬柘坡作

建溪小種愛絕勝佳名玉蘭金井鬪來細省便南溪北
苑總還羞並味處冲和别有靈葩風韵遠人贈好珍重
開封籜籠分認 窓靜闌干影正火活風爐氣蒸雲鼎
松風遠近看魚鱗鱗沫鉗笙翻盡漸挹蘭薰欲睡準眸
蕪塘未定稿

十

頓醒一片嫩試烹來碧芽交映

附原作

蕪光泰 柘坡

紅蘭香淨甚特地封來數重青籜松爐湯瀹看初收
麥穎漸開蓮萼沸了還停滾々春潮暗落畫樓角正
酒醒桃笙雨晴簾幙 天末雲滿壑問積笋峰前幾
家樓閣花深竹錯想溪南三十九泉如昨擬試都籃
誰繫行山翠屨晚風薄聽空鉗幔亭歌作

散天花

雪夜寄懷趙淺
山汪西顛錢塘

似聽春蠶食葉時閒簾凝白處照鬚眉清光一段畫中
詩林梢重疊裏盡迷離 無那懷人天四垂寂寥寒夜

永倍相思西泠橋畔記依稀老梅香破處一枝

菩薩蠻 月季

花之葉之枝之艷年之月之朝之見莫訝四時新人閒
不老春 香魂何處結仙桂還同窟却咲海棠鼓東風
一瞬穠

浣溪沙

長至夜劉雪珂陳對鷗萬
柘坡胡灵齋集澹宜書屋

陽氣旋回亞歲天南枝梅已破牕前何須簾幙禦深寒
髮白奈他偏老至心清猶喜得身閒且隨時節過年

西江月 曉雪

蔗塘未定稿

十一

曉起捲簾遙視一天飛絮漫之老梅昨夜暗香添故遣
玉妃爭艷 翠盞滿浮白隨薰爐煖炷沉烟清寒惟我
興多偏竚立閒塔獨照

綺羅香

屋後隙地數弓魯存築室三楹前後樹以梧竹
不雕不繪簡樸自然顏曰清機小庵同人分賦

子得
以調

白紙踈檣烏皮髻几喜有東頭新舍幾葉芭蕉相映綠
筠如畫愛三間儘可消寒頗清絕更堪休夏只難禁雨
後花前無人遙立半簾下 薰爐茗椀共列更著風籤
蠹簡堆床滿架從此沉酣須惜分陰無價咲啣盃月落
簷牙漫絃琴風來林罅正宵深常共趨庭送書聲午夜

臨江仙

冰泛海
光寺

不借雙輪駕犢無勞半席乘風寒光一片望無窮人來
鮫室裏身在玉壺中 彷彿琉璃世界斜陽倒射玲瓏
澄明似鏡本來空閒情須領却歸路莫匆

一剪梅

除夕
雪

風急冰檐逼歲除雲意淡沉雪意蕭疎家門盡換桃
符香發華堂春透屠蘇 領略幽情只有余叉手堦前
注目庭隅呼童好為掃瓊琚休說陶家只有茶爐

浣溪沙

新春

自入新年幽意添些兒閒事不相關清齋燕坐只垂簾
蕉塘未定稿

十三

閒
日色漸看春晝永風般猶憶昨宵寒梅花香雪有無

青玉案

咏水西莊紫芥
一名諸葛菜

離離綠遍山腰路漸紫萼紛無數老盡英雄空閉戶灌
園人遠把鋤人去寐莫聽春雨 功名拾處偏多誤笑
身世堪為圃莫向瑯琊尋舊譜張梨已杳邵瓜無據千
古誰為主

木蘭花慢

對鷗初度避客西園同人
共譜此調以鷗字為韵

正懸弧令日問何事作孤遊想乳燕飛邊雖鶯囀處
屐尋幽平疇綠蕪吹遍劫閒情到處作勾留逸興偏能

自遣良用擬合綢繆 添籌東望即瀛州莫使著閒愁
且招回瘦策花前為爾小泛金甌悠々即須放眼飲斜
陽無筭始方休歌到數般入破沙閒驚起眠鷗

風入松

予家向居榆堡先人邱壟在焉自從天津以來每
春秋瞻拜常苦中路止宿之艱今年春家嚴於東
安城西得隙地構屋數椽以為小憩之
所顏曰石梁草堂斷手日過觀賦此

草堂新築石梁城就地只三楹短垣白堊閒階敞映隣
家樹影青々紅橙看編籬落碧油教護簾旌 一年來
此幾消停多勝宿郵亭秋霜春露期無爽指鄉園一半
山程門外藥王祠古墻東高監樓明

屋後與內官高
公蔬圃相接

雪獅兒

雨後南溪
草堂納涼

蔗塘未定稿

三

凌晨雨歇喜炎熇都退生涼尋幽南郭一水差々綠抱
城陰斜角門橫略約叩短策漫呼魚鱗最愛是槁痕垂
竦松聲招窄 一半環池樓閣倚風荷圻處露香濃撲
清簟波搖坐久扇紉收却啣盃相酌還醉卧桐陰如幄
昏烟作更看涼螢低掠

鳳簫吟

西園
新秋

乍金飈淒々惻々朝來一片秋聲繞池殘暑退闌紅都
減漸翠蓋銷擎凭闌無客到聽高低蛩響莎廳更露白
烟凝喚人特地愁生 雲橫淡來如畫一天涼意都付
桃笙小樓凝望眼幾村疎樹裏隱約農耕垂綸何處客

背斜陽繫棹蘆汀秋未老濁醪湏滿莫卧空筍

滿江紅雨後小丹
梯待月出

簷滴收聲天宇淨越窈窕碧繞曲闌閒倚暗螢如織東
望滄溟纔引睇須臾擁地金輪出咲霎時萬里盡空明
清光徹 蛩語亂蒼苔側人語靜高樓北正西風吹面
酒醒時節楊柳疎 搖似髮坐深涼露侵衣濕記昨宵
猶是十分圓今朝缺

天香洋菊和
對鷓

鯁壑含葩鮫宮結蒂蠻航吹送秋晚終幘嗟峨眉霞衣襲
積海上漫來仙伴依稀蜃氣似過雨樓臺初幻飛蜨難

蔗塘未定稿

十四

尋遠夢啼鴻頓書愁翰 風前者回瞥見乍相逢惱人
心眼仔細較量今昔色香都換縱使登高插髻奈短髮
蕭蕭已踈斷休問陶籬餐英未慣

附
原作

陳 萃對鷓

舞窄蟠翎翔鸞鏡尾秋光幻出新意瀛島分根仙樓
墮影曾泛斷槎千里如盤吐艷看萼重還湏扶起應
恠黏枝鈿小翻嫌釘叢金碎 簪來更羞短髻檢空
囊貯教難佩只合畫屏嬌姹醒人殘醉五柳歸來問
省咲不是東籬舊風味夢落天涯相思海水

虞美人

染香卧疾不見者旬
日矣燈下譜此代簡

背燈閒坐梅花下，月光潛射閒中驀。地起新愁，應在畫屏南畔屋東頭。帶圍瘦減，休文矣莫向重闌倚。詩情此際，寂相關料，得吟成冰雪不勝寒。

臨江仙

水仙

每向淺沙白石亭，獨整芳容風鬢綽約。孰堪同鞵羅歸洛浦，佩玉解江東。寂愛小窻安，置數囊映日融。謾言幻色本來空，香從無處有，韻自淡中濃。

錦堂春

蠟梅

葉透幾層，蛻羽花攢一簇。蜂黃向人別具，傾城意淺淡道家粧。似染薔薇宿露，如薰薦馨新香。常教日午烘

蕉塘未定稿

十五

簾看錯認到斜陽

眼兒媚

過朱南湖大令寓館，因飲。

輕烟裊，熟爐香相對話。更長一庭月淡，半窻燈燼，寒色蒼茫。塞翁得失原無定，何必訝亡羊襟懷只在凍梅枝畔，雪竹根傍。

柳梢青

春雨

做弄輕寒，絲絲如織，簾捲愁看。染柳多情，吹桃有意，都在闌干。謾將離思頻牽，且小戀重衾，夢添中酒幽牕。賣巷深巷，翻咲春閒。

念奴嬌

題梅花道人畫軸

吳綃纔展愛淋漓一片烟雲凝碧雙槳俄從天上至帆
挂斜陽遙反灌木陰中層巒深處定有幽棲客沙邊新
雁幾行吹起蘆荻因念蠟屐南遊湖山淼渺是處曾
經歷白髮相看人漸老恨不乘風飛入料得延陵興酣
潑墨萬象俱隨筆晴窓細讀道人真是奇絕

一剪梅

雨中約同人游水西

滴瀝簷聲破曉眠潤逼爐烟寒透重簾胭脂應與海棠
添遙憶粧鬟坼了紅綿風景何如三月天晴固宜然
雨亦堪憐急須携屐到西園趁未春闌好醉花前

浪淘沙

趙庄即事

蔗塘未定稿

六

夜雨足西疇蔬甲全抽花籬幾曲徑偏幽流水涓涓聲
不絕小立夷猶地僻易淹苗門枕河流東風聞却釣
絲鈎隔岸蘆芽明短棹新漲如油

踏莎行

送春

一霎東風滿天晴絮無端吹得春歸去荼蘼似解恨春
歸枝葉萼攀春住春自何來春歸何處無形無迹
無憑據也知來去不多時落蒼陣飛紅雨

附
同作

陳皋

樹香殘枝艷歇殷勤又到年時別只消幾箇送
迎中尊前老了頭如雪意倦尋芳愁驚換節酸梅

苦筍無心擷落紅滿地勝矧瑜陽關唱徹聲三疊

蔗塘未定稿

十七

